

Član 12.

Izgradnja objekata privremenog karaktera može se odobriti samo za potrebe izgradnje arhitektonskih objekata, objekata komunalne infrastrukture i saobraćajnica koji su u funkciji gradilišta unutar obuhvata ovog Plana, kao i za potrebe kulturnih i sportskih manifestacija.

Član 13.

Uređenje zelenih površina u okviru granica obuhvata mora se izvršiti prije tehničkog prijema arhitektonskih objekata.

Član 14.

Prostor unutar granica zadatog obuhvata je tretiran kao javna površina koja nema ograda.

Član 15.

Uslovi za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 16.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje nivelete pješačkih saobraćajnica, kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Član 17.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-49-341/16-1  
28. juna 2016. godine  
Sarajevo

Predsjedavajući  
Općinskog vijeća  
Stari Grad Sarajevo  
Vedran Dodik, s. r.

Na osnovu člana 10. Zakona o cestama Federacije Bosne i Hercegovine ("Službene novine Federacije BiH", broj 12/10) i člana 25. Statuta Općine Stari Grad Sarajevo ("Službene novine Kantona Sarajevo", broj 20/13) - Prečišćeni tekst, Općinsko vijeće Stari Grad, na sjednici održanoj dana 28.06.2016. godine, a kao prethodno pitanje u predmetu dodjele zemljišta za redovnu upotrebu stambenog objekta po zahtjevu Berbić Hidajeta i Bulbul Hatidže iz Sarajeva, donosi

**ODLUKU**

**O GUBITKU STATUSA JAVNOG DOBRA U OPĆOJ UPOTREBI**

Član 1.

Utvrđuje se da je izgubilo status javnog dobra u općoj upotrebi zemljište upisano u Iskaz I, a označeno kao k.č. 838 nastala od k.č. 538 z.k. ul. 57, k.o. Sarajevo-Mahala LXXI u površini od 44 m<sup>2</sup>.

Član 2.

Zemljišno-knjižno odjeljenje Općinskog suda u Sarajevu će na zemljištu iz tačke 1. Odluke brisati status nekretnine upisane u zemljišnoj knjizi kao Iskaz I po kulturi dvorište u površini od 44 m<sup>2</sup>, te upisati kulturu gradilište, državno vlasništvo, a kao nosioca prava raspolaganja upisati Općinu Stari Grad Sarajevo sa 1/1 dijela.

Član 3.

Ova Odluka stupa na snagu narednog dana od dana objavljivanja na oglasnoj ploči Općine Stari Grad Sarajevo, a

naknadno će biti objavljena u "Službenim novinama Kantona Sarajevo".

Broj 02-49-352/16  
28. juna 2016. godine

Predsjedavajući  
Općinskog vijeća  
Stari Grad Sarajevo  
Vedran Dodik, s. r.

Stavljeno na oglasnu ploču 04.07. - 11.07.2016. godine.

Na osnovu člana 10. Zakona o cestama Federacije Bosne i Hercegovine ("Službene novine Federacije BiH", broj 12/10) i člana 25. Statuta Općine Stari Grad Sarajevo ("Službene novine Kantona Sarajevo", broj 20/13) - Prečišćeni tekst, Općinsko vijeće Stari Grad, na sjednici održanoj dana 28.06.2016. godine, a rješavajući po zahtjevu Općinskog pravobranilaštva u predmetu rješavanja imovinsko pravnih odnosa u ulici Šahinagića u Sarajevu, donosi

**ODLUKU**

**O UTVRĐIVANJU STATUSA JAVNOG DOBRA U OPĆOJ UPOTREBI**

Član 1.

Utvrđuje se da je izgubilo status gradskog građevinskog zemljišta, zemljište označeno kao k.č. 197 nastala od k.č. 68 u površini od 310 m<sup>2</sup>, po kulturi ulica, zk. ul. 14 k.o. Sarajevo-Mahala XCIX (stari premjer), a što po novom premjeru odgovara k.č. 123/3 nastala od k.č. 122 i k.č. 123/1 k.o. Sarajevo IX.

Član 2.

Zemljišno-knjižno odjeljenje Općinskog suda u Sarajevu će na zemljištu označenom kao k.č. 197 nastala od k.č. 68 u površini od 310 m<sup>2</sup>, po kulturi ulica, zk.ul. 14 k.o. Sarajevo - Mahala XCIX upisati status javnog dobra u općoj upotrebi kao Iskaz I, dok će na istoj brisati državno vlasništvo, te nosioca prava raspolaganja Općinu Stari Grad sa dijelom 1/1.

Član 3.

Ova Odluka stupa na snagu narednog dana od dana objavljivanja na oglasnoj ploči Općine Stari Grad Sarajevo, a naknadno će biti objavljena u "Službenim novinama Kantona Sarajevo".

Broj 02-49-353/16  
28. juna 2016. godine

Predsjedavajući  
Općinskog vijeća  
Stari Grad Sarajevo  
Vedran Dodik, s. r.

Stavljeno na oglasnu ploču 04.07.2016. godine  
Skinuto sa oglasne ploče 11.07.2016. godine

Na osnovu člana 2.12. stav (9) Izbornog zakona Bosne i Hercegovine ("Službeni glasnik BiH", broj 23/01, 7/02, 9/02, 20/02, 25/02, 4/04, 20/04, 25/05, 65/05, 77/05, 11/06, 24/06, 32/07, 33/08, 37/07, 32/10, 18/13, 7/14 i 31/16), člana 1. i 2. Odluke o visini naknade za rad članova izborne komisije osnovne izborne jedinice u Bosni i Hercegovini ("Službeni glasnik BiH", broj 32/16 - Prečišćeni tekst), te člana 25, 70. i 72. Statuta Općine Stari Grad Sarajevo ("Službene novine Kantona Sarajevo", broj 20/13 - Prečišćeni tekst), Općinsko vijeće Stari Grad Sarajevo, na sjednici održanoj 28.06.2016. godine, donijelo

**ODLUKU**

**O VISINI NAKNADE ZA RAD ČLANOVA OPĆINSKE IZBORNE KOMISIJE STARI GRAD SARAJEVO**

Član 1.

(Stalna mjesečna naknada)

- (1) Članovi Općinske izborne komisije Stari Grad Sarajevo imaju pravo na stalnu mjesečnu naknadu za svoj rad, u iznosu od 700,00 KM.
- (2) Naknada utvrđena u stavu (1) ovog člana će se, u izbornom periodu, isplaćivati u visini 100% od utvrđenog iznosa, dok

će, u ostalom periodu, biti isplaćivana u visini od 30% od utvrđenog, punog iznosa.

Član 2.  
(Sredstva za izvršenje)

U skladu sa članom 1.2a stav (3) Izbornog zakona Bosne i Hercegovine, sredstva za naknadu iz člana 1. ove odluke, obezbjeđuju se u Budžetu Općine Stari Grad Sarajevo, a isplata se vrši istovremeno sa isplatom mjesečnih paušala vijećnika u Općinskom vijeću Stari Grad Sarajevo.

Član 3.  
(Stupanje na snagu, primjena i objava)

Stupanjem na snagu ove odluke prestaju da važe odredbe Odluke o visini naknade za rad članova Općinske izborne komisije Stari Grad Sarajevo ("Službene novine Kantona Sarajevo", broj 3/11 i 23/13).

Član 4.

Ova odluka stupa na snagu danom objave na oglasnoj ploči Općine, a naknadno će biti objavljena u "Službenim novinama Kantona Sarajevo".

Broj 02-49-361/16 Juna 2016. godine Sarajevo	Predsjedavajući Općinskog vijeća Stari Grad Sarajevo <b>Vedran Dodik, s. r.</b>
--	--

Stavljeno na oglasnu ploču 01.07.2016. godine.  
Skinuto sa oglasne ploče 11.07.2016. godine.

Na osnovu člana 25. stav 1. alineja 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), te člana 34. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 7/16, 16/16 i 21/16), Općinsko vijeće Stari Grad Sarajevo, na sjednici održanoj 28.06.2016. godine, donijelo je

#### ODLUKU

### O STAVLJANJU VAN SNAGE ODLUKE O KORIŠTENJU POSLOVNOG PROSTORA U ULICI SARAČI BROJ 5 KAO VLASTITO UČEŠĆE PO OSNOVU UGOVORA O POSLOVNO-TEHNIČKOJ SARADNJI

1. Stavlja se van snage Odluka broj: 02-49-604/14 od 29.12.2014. godine, ("Službene novine Kantona Sarajevo", broj 3/15), o korištenju poslovnog prostora u ulici Sarači broj 5. zakupca Londrc Nedima, kao vlastito učešće po osnovu ugovora o poslovno-tehničkoj saradnji.
2. Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-362/16 Juna 2016. godine Sarajevo	Predsjedavajući Općinskog vijeća Stari Grad Sarajevo <b>Vedran Dodik, s. r.</b>
--	--

Na osnovu člana 25. stav 1. alineja 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), te člana 34. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 7/16, 16/16 i 21/16), Općinsko vijeće Stari Grad Sarajevo, na sjednici održanoj 28.06.2016. godine, donijelo je

#### ODLUKU

### O STAVLJANJU VAN SNAGE ODLUKE O KORIŠTENJU POSLOVNOG PROSTORA U ULICI SARAČI BROJ 3 KAO VLASTITO UČEŠĆE PO OSNOVU UGOVORA O POSLOVNO-TEHNIČKOJ SARADNJI

1. Stavlja se van snage Odluka broj 02-49-272/15 od 28.05.2015. godine, ("Službene novine Kantona Sarajevo", broj 28/15), o korištenju poslovnog prostora u ulici Sarači broj 3, zakupca Rahmanović Avdije, kao vlastito učešće po osnovu ugovora o poslovno-tehničkoj saradnji.
2. Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-363/16 Juna 2016. godine Sarajevo	Predsjedavajući Općinskog vijeća Stari Grad Sarajevo <b>Vedran Dodik, s. r.</b>
--	--

Na osnovu člana 25. stav 1. alineja 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 34. stav (2) i stav (3) Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", br. 7/16, 16/16 i 21/16), Općinsko vijeće Stari Grad Sarajevo, na sjednici održanoj 28.06. 2016. godine, donijelo je

#### ODLUKU

### O KORIŠTENJU POSLOVNOG PROSTORA U ULICI BRAVADŽILUK MALI BROJ 5. KAO VLASTITO UČEŠĆE PO OSNOVU UGOVORA O POSLOVNO-TEHNIČKOJ SARADNJI

1. Zakupac, Mrkva Amira, poslovni prostor u ulici Bravadžiluk mali broj 5, površine 34,30 m<sup>2</sup>, može koristi kao vlastito učešće po osnovu ugovora o poslovno - tehničkoj saradnji.
2. Zakupac je dužan da plaća cijenu zakupa u iznosu od 42,00 KM po m<sup>2</sup>, bez ikakvih povlastica predviđenih Odlukom o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", br. 7/16, 16/16 i 21/16).
3. Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-365/16 Juna 2016. godine Sarajevo	Predsjedavajući Općinskog vijeća Stari Grad Sarajevo <b>Vedran Dodik, s. r.</b>
--	--

Na osnovu člana 25. stav 1. alineja 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), člana 34. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 7/16, 16/16 i 21/16), Općinsko vijeće Stari Grad Sarajevo, na sjednici održanoj 28.06. 2016. godine, donijelo je

#### ODLUKU

### O STAVLJANJU VAN SNAGE ODLUKE O KORIŠTENJU POSLOVNOG PROSTORA U ULICI VELIKA AVLIJA BROJ 14. KAO VLASTITO UČEŠĆE PO OSNOVU UGOVORA O POSLOVNO-TEHNIČKOJ SARADNJI

1. Stavlja se van snage Odluka broj: 02-49-605/14 od 29.12.2014. godine ("Službene novine Kantona Sarajevo", broj 3/15), o korištenju poslovnog prostora u ulici Velika avlija broj 14, zakupca Haverić Jasmina, kao vlastito učešće po osnovu ugovora o poslovno-tehničkoj saradnji.